

Sakspapir

Saksbehandler	Arkiv	ArkivsakID
Oddvin Neset	FA - L71, TI - &73, HistSak - 12/331	14/276

Saksnr	Utvalg	Type	Dato
068/2016	Formannskapet	PS	22.11.2016
071/2016	Kommunestyret	PS	15.12.2016

Busetting av flyktningar 2017

Forslag til vedtak:

Modalen kommune vil ta imot 5 flyktningar slik IMDi ber om i 2017, men må koma attende til konkret tidspunkt for mottak når bustadsituasjonen er avklart.

Ut frå tilgang på bustader og integrering i lokalmiljøet ønskjer Modalen kommune primært å busetje familiar, og ber IMDi ta omsyn til dette.

Rådmann får delegert mynde til å bestemme når tid kommunen er klar til å gjennomføre busettinga.

Saksopplysningar:

Bakgrunn

Modalen kommune har i kommunestyresak 013/2016 sagt ja til å ta imot 12 flyktningar i 2016. Dette vedtaket er innfridd ved at 3 familiar er busette i Modalen i løpet av dette hausthalvåret. Plantal for 2017 var sett til 8 flyktningar. I brev frå Fylkesmannen denne hausten, er behovet for busetjing nedjustert, og Modalen kommune vert no beden om å ta imot 5 flyktningar i 2017.

Vurdering

2016 er fyrste året Modalen kommune har teke imot flyktningar for busetjing. For å sikre ei best mogeleg integrering har ein i planleggingsfasen gjort dette:

- inngått avtale med Masfjorden kommune om ein felles flyktningkonsulentstilling (start mai 2016)
- tilsett lærar i norskopplæringa i 100% stilling (start august 2016)
- informasjonsmøte for befolkninga (september 2016)
- fellesmøter for tilsette som kjem tett på flyktningane
- avtale med Hero tolketjeneste om bruk av telefontolk

- tolkekurs for tilsette som skal nytte tolketeneste

Dei 2 fyrste familiane er busette på Kyrkjeteigen og Kleivane. Siste familie vert busett på Øvre Helland i fyrste del av desember 2016. Fyrste fase av av busetjinga har gått fint, og fleire er allereie i gong med norskopplæring og språkpraksis.

Kva omsyn må me ta når me skal vurdere ny busetnad?

- tilgang på bustader
- personell til koordinering og oppfølging
- norskopplæring
- tilgang på språkpraksisplassar
- arbeid og sosialt liv
- økonomi

Bustad

Modalen kommune har eit avgrensa tal bustader tilgjengeleg for utleige. Den private bustadmarknaden er svært avgrensa. Bustad er difor eit kritisk punkt i busetjinga. Når siste familie er busett i desember har kommunen berre 1 ledig husvære til å dekke alle behov som kan kome. Det kan vere ulike behov kommunen må prioritere, slik som behov for husvære til eigne tilsette, til næringslivet, private i ei krise m.m. Siste året har ein hatt «reserverte bustader» ståande i påvente av at flyktingane skulle koma. Det er uheldig når me må seie nei til andre som henvender seg og ynskjer å leige husvære samstundes som det står husvære ledig. Dette kan skape ei negativ stemning rundt busetjinga. Det er likevel ikkje godt å gjere dette på andre måtar, for ein veit ikkje nårtid på året flyktingane kjem.

Personell

Modalen kommune har avtale med Masfjorden kommune om flyktingekonsulentstilling. Slik sett er koordineringa godt ivareteken. Me har også tilsett lærar i norskopplæring, og har etablert ein god opplæringsbase ved Mo skule. Det er også kapasitet i både barnehage og skule til fleire born.

Det er positivt med nye famliar så lenge me klarer å få dei til å verte ein del av samfunnet og bygda. Å ta imot familiar aukar sjansane for at familiane klarer å verte integrert i bygda. Borna får vener på skule og barnehage, og gjennom foreldresamarbeidet vert det etablert kontaktar. Det er positivt for både skule og barnehage å få påfyll med barn, og slik halde oppe barnetalet.

Språkpraksis og arbeid

Eit meir kritisk punkt er tilgangen på språkpraksisplassar og arbeid. Det er begrensa tilgang på språkpraksisplassar, og her må både kommunale og private arbeidsplassar tenkja kreativt og bidra til at flyktingane får koma ut av klasserommet og i arbeid der dei får praktisert norsk. Etter fullført norskopplæring og språkpraksis er det forventa at flyktingane skal kunne livnære seg sjølv gjennom ordinært arbeid. Dette krev at dei klarer å få seg arbeid. For at dei skal verte buande i kommunen over tid er arbeid ein suksessfaktor i integreringa.

Økonomi

Reint økonomisk burde busetjinga vore lagt opp slik at ein får utnytta den personellressursen ein har i oppfølginga best mogeleg. I eit slikt perspektiv er ein familie i året for lite til å få ei effektiv utnytting av ressursane. 2 familiar pr år hadde gjort det lettare å få ein økonomisk balanse i busetjinga. Likevel

er det faktorar som talar mot å busetja 2 familiar pr. år, der bustad og arbeid er dei elementa som syner klarast.

Busetjingsbehovet

Fylkesmannen skriv i sitt brev at «Busettingsbehovet er lågare enn tidlegare plantal frå IMDi. Færre asylsøkjjarar til Noreg og færre som vert innvilga opphald er hovudårsakene til at behovet har gått ned.» Det opprinnelege talet Modalen var oppmoda om å ta imot var 14. Dette talet er for høgt til at me kan sikra ei god busetjing og integrering. Når talet no er nedjustert til 5 er det meir handterbart.

Konklusjon

Rådmannen innstiller på at Modalen kommune tek imot 5 flyktningar i 2017.

Formannskapet - 068/2016

FOR - behandling:

Ass. rådmann Oddvin Neset orienterte og svarte på spørsmål.

FOR - vedtak:

Modalen kommune vil ta imot 5 flyktningar slik IMDi ber om i 2017, men må koma attende til konkret tidspunkt for mottak når bustadsituasjonen er avklart.

Ut frå tilgang på bustader og integrering i lokalmiljøet ønskjer Modalen kommune primært å busetje familiar, og ber IMDi ta omsyn til dette.

Rådmann får delegert mynde til å bestemme nårtid kommunen er klar til å gjennomføre busettinga.

Kommunestyret - 071/2016

KS - behandling:

Assisterande rådmann Oddvin Neset orienterte om saka.

Etter ei lengre drøftig og gruppemøte vart sett fram slik framlegg frå Ann-Jorunn Farestveit:

Modalen kommune vil ikkje ta imot flyktningar i 2017

Røysting:

Ordførar sette framlegget frå Ann-Jorunn Farestevit opp mot rådmannen sitt framlegg.

Framlegget frå Ann-Jorunn Farestevit fekk 8 røyster og vart vedtekeRådmannen sitt framlegg fekk 4 røyster - Kristin Nåmdal, Anne Britt Almelid, Kjetil Eikefet, Sigmund Ingvald Vikane.

KS - vedtak:

Modalen kommune vil ikkje ta imot flyktningar i 2017.

Vedlegg:

Oppmoding om busetting av flyktningar 2017